

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI SELASA, 26 NOVEMBER 2013, PUKUL 10.00 PAGI

Bil. 45

PERTANYAAN-PERTANYAAN BAGI JAWAB LISAN

1. PR-1313-L58697
Datuk Haji Shabudin bin Yahaya [Tasek Gelugor] minta **PERDANA MENTERI** menyatakan apakah hasil dan produk yang telah dicapai dalam program penggalakkan inovasi negara serta berapakah peruntukan yang diberikan sepanjang tempoh lima tahun yang lepas.
2. PR-1313-L58030
Tuan Sim Tong Him [Kota Melaka] minta **MENTERI SUMBER ASLI DAN ALAM SEKITAR** menyatakan keluasan tapak projek tambak laut yang telah diluluskan oleh Kementerian untuk negeri Melaka. Adakah semua projek tambak laut ini mempunyai kajian EIA dan adakah kajian ini termasuk kesan-kesan Ekosistem Benthic.
3. PR-1313-L57935
Datuk Wira Haji Ahmad bin Hamzah [Jasin] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan :-
 - (a) langkah mewujudkan suasana perniagaan komprehensif bersandarkan kepada undang-undang persaingan; dan
 - (b) bagaimana Kementerian melihat amalan-amalan kartel, monopoli dan berpakat dalam menetapkan harga bakal menjurus kepada pasaran bebas tanpa kawalan dan pengguna dinafikan perlindungan yang lebih adil.
4. PR-1313-L58453
Tuan Mohd Rafizi bin Ramli [Pandan] minta **PERDANA MENTERI** menyatakan sebab-sebab cuti menunaikan haji kepada kakitangan Kerajaan dihadkan kepada 40 hari sahaja sedangkan tempoh masa menunaikan haji di bawah kelolaan Tabung Haji ada yang mencecah 45 hari. Adakah Kerajaan bercadang menyelaraskan cuti haji sehingga maksimum 50 hari sejajar dengan tempoh masa menunaikan haji kelolaan Tabung Haji.

5. PR-1313-L57959
Dato' Haji Abdul Rahman bin Haji Mohamad [Lipis] minta **MENTERI PENDIDIKAN** menyatakan :-
 - (a) mekanisme Kementerian dalam mengatasi kelewatan penempatan graduan Ijazah Sarjana Muda Pendidikan (ISMP) di IPTA dan IPGM ke sekolah semenjak akhir-akhir ini; dan
 - (b) perancangan jangka panjang untuk graduan ini sekiranya tidak ditempatkan di mana-mana sekolah sedangkan mereka ini memiliki Ijazah Sarjana Muda Pendidikan.
6. PR-1313-L58398
Tuan Su Keong Siong [Ipoh Timor] minta **MENTERI PENDIDIKAN** menyatakan jumlah hutang PTPTN yang tertunggak pada masa kini. Nyatakan langkah-langkah yang diambil untuk mengatasi masalah ini. Adakah Kerajaan mempunyai rancangan untuk menyenarai hitamkan nama pelajar-pelajar yang gagal membayar balik hutang PTPTN di bawah sistem CCRIS atau C-TOS.
7. PR-1313-L58102
Dato' Ir. Haji Nawawi bin Ahmad [Langkawi] minta **PERDANA MENTERI** menyatakan apakah ada perancangan Kementerian untuk membina stesen NGV atau menambah pam daripada jenis NGV di stesen minyak sedia ada di Pulau Langkawi.
8. PR-1313-L58380
Dato' Dr. Nik Mazian bin Nik Mohamad [Pasir Puteh] minta **MENTERI KESIHATAN** menyatakan jumlah kedatangan pelancong ke Malaysia untuk mendapat rawatan di sini. Berapa jumlah pusat perubatan yang menjadi tempat kunjungan mereka dan jumlah anggaran hasil untuk negara.
9. PR-1313-L57607
Tuan Haji Mohd Fasih bin Haji Mohd Fakeh [Sabak Bernam] minta **MENTERI LUAR NEGERI** menyatakan apakah langkah diplomasi dan diplomatik yang telah diambil Kerajaan Iran termasuk Kedutaan Iran di Malaysia bagi membendung penyebaran ajaran Syiah di negara ini serta menghormati undang-undang dan peka terhadap sensitiviti agama dan budaya negara ini.
10. PR-1313-L58760
Puan Hajah Fuziah binti Salleh [Kuantan] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan langkah-langkah yang diambil Kerajaan untuk memperhebatkan larangan penggunaan beg plastik dengan lebih tegas dan tidak hanya terpakai pada hari-hari tertentu sahaja demi memperkasakan proses pemeliharaan dan pemuliharaan alam sekitar di Malaysia.

11. PR-1313-L57968
Dato' Wira Mohd Johari bin Baharom [Kubang Pasu] minta **MENTERI PERTANIAN DAN INDUSTRI ASAS TANI** menyatakan apakah langkah-langkah yang diambil oleh Kementerian untuk memelihara dan mengekalkan sumber laut di negara kita ini.
12. PR-1313-L58979
Dr. Mohd. Khairuddin bin Aman Razali [Kuala Nerus] minta **MENTERI KERJA RAYA** menyatakan perkembangan terkini siasatan kes runtuh struktur Masjid Kampung Binjai Kertas, Hulu Terengganu dan Masjid Tebauk, Bukit Tunggal.
13. PR-1313-L57850
Dato' Othman bin Aziz [Jerlun] minta **MENTERI PENDIDIKAN** menyatakan peranan yang dimainkan oleh PIBG di sekolah-sekolah amat terhad kerana kekangan kewangan. Adakah Kerajaan mencadangkan untuk memberi bantuan bagi menganjurkan aktiviti PIBG yang boleh meningkatkan prestasi pelajaran murid.
14. PR-1313-L57920
Tuan Gooi Hsiao-Leung [Alor Setar] minta **PERDANA MENTERI** menyatakan sama ada Kerajaan akan meneliti dan melaksanakan National Stakeholder Economic Plan (Amanah) yang dicadangkan oleh YBM Tengku Razaleigh, dan sekiranya tidak, kenapa.
15. PR-1313-L57681
Dato Sri Dr. Muhammad Leo Michael Toyad Abdullah [Mukah] minta **MENTERI PENDIDIKAN** menyatakan apakah bidang-bidang yang baru dalam pendidikan teknikal dalam pendekatan baru Kementerian.
16. PR-1313-L58908
Tuan Ahmad Marzuk bin Shaary [Bachok] minta **MENTERI PERTANIAN DAN INDUSTRI ASAS TANI** menyatakan tahap kesuburan tanah di setiap Projek Ladang Merdeka KADA dan berapakah jumlah input dan kos pembajaan serta racun yang digunapakai setiap musim, bagi setiap Ladang Merdeka, sejak Projek Ladang Merdeka KADA bermula. Apakah langkah terkini KADA dalam membantu para penanam padi menyuburkan tanah sawah dan mengurangkan kos input pertanian mereka.
17. PR-1313-L58611
Datuk Dr. Makin @ Marcus Mojigoh [Putatan] minta **PERDANA MENTERI** menyatakan :-
 - (a) dalam inisiatif Pemerkasaan Ekonomi Bumiputera (PEB), adakah pihak Kerajaan telah mengambil kira kekurangan, kepincangan dan kemunduran ekonomi Bumiputera minoriti Sabah dan Sarawak; dan
 - (b) pelan induk dan rancangan Kerajaan agar PEB ini benar-benar sampai kepada golongan sasaran di atas.

18. PR-1313-L57398
Tuan Wong Chen [Kelana Jaya] minta **MENTERI PERTANIAN DAN INDUSTRI ASAS TANI** menyatakan :-
- (a) hasil tangkapan ikan di Malaysia dari tahun 2006-2013; dan
 - (b) berapakah jumlah ikan yang dieksport, khasnya kepada Singapura.
19. PR-1313-L58828
Datuk Koh Nai Kwong [Alor Gajah] minta **MENTERI DALAM NEGERI** menyatakan bahawa dapati lebih 460,000 warga Indonesia yang masuk ke Malaysia secara sah tetapi bekerja secara haram di negara ini, apakah langkah-langkah yang akan diambil untuk mengatasi masalah tersebut.
20. PR-1313-L58525
Tuan Mohamed Azmin bin Ali [Gombak] minta **MENTERI LUAR NEGERI** menyatakan apakah Kerajaan bersedia untuk menandatangani lebih banyak triti antarabangsa berhubung isu hak asasi manusia termasuk "*The International Covenant on Civil and Political Rights*".
21. PR-1313-L57588
Puan Hajah Normala binti Abdul Samad [Pasir Gudang] minta **MENTERI SUMBER MANUSIA** menyatakan langkah-langkah yang diambil oleh Kementerian bagi mengawal diskriminasi jantina terhadap graduan wanita dalam mendapatkan pekerjaan terutamanya dalam bidang kejuruteraan.
22. PR-1313-L58879
Dato' Mohd Ariff Sabri bin Abdul Aziz [Raub] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan :-
- (a) apakah langkah-langkah yang diambil pihak Kementerian untuk memantau salah guna kemudahan dan kebenaran jualan murah; dan
 - (b) setakat ini berapa jumlah perniagaan yang didakwa menyalahguna promosi 'sales' dan jual murah.
23. PR-1313-L58978
Dato' Sri Azalina binti Dato' Othman Said [Pengerang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan mengapakah Anggota Bomba & Penyelamat tidak mendapat kadar gaji, elaun-elaun dan insentif selaras dengan Angkatan Tentera dan Polis sedangkan sumbangan dan perkhidmatan anggota Jabatan Bomba & Penyelamat tidak kurang pentingnya berbanding dengan Angkatan Tentera dan Polis. Adakah pihak Kementerian akan mengambil tindakan yang sewajarnya untuk memperbaiki dan meningkatkan kadar emolumen dan insentif-insentif serta mengambil inisiatif lain untuk memperbaiki kesejahteraan anggota Jabatan Bomba & Penyelamat.

24. PR-1313-L57773
Tuan M. Kulasegaran [Ipoh Barat] minta **MENTERI PENDIDIKAN** menyatakan sebab-sebab peruntukan tidak diberikan oleh Kementerian untuk meningkatkan kualiti pengajaran dan infrastruktur di sekolah-sekolah vernakular sedangkan matlamat Pelan Pendidikan (blue print) adalah untuk melahirkan pelajar yang bertaraf dunia. Adakah percanggahan telah berlaku.
25. PR-1313-L57353
Tuan Haji Ahmad Nazlan bin Idris [Jerantut] minta **MENTERI KOMUNIKASI DAN MULTIMEDIA** menyatakan langkah-langkah yang diambil bagi mengatasi sistem telekomunikasi termasuk siaran radio, televisyen, dan talian internet yang tidak memuaskan di kawasan luar bandar terutamanya di daerah Jerantut.
26. PR-1313-L57134
Dato' Takiyuddin bin Hassan [Kota Bharu] minta **PERDANA MENTERI** menyatakan kenapa kapal terbang untuk penerbangan Haji dan Umrah seringkali menggunakan kapal terbang yang lama dan kurang kemudahan, tidak seperti kapal terbang komersial ke destinasi-destinasi lain.
27. PR-1313-L58946
Datuk Noor Ehsanuddin bin Mohd Harun Narrashid [Kota Tinggi] minta **MENTERI PEMBANGUNAN WANITA, KELUARGA DAN MASYARAKAT** menyatakan berapakah jumlah kes penderaan kanak-kanak sepanjang tempoh 2003 hingga 2013 dan apakah langkah-langkah yang di ambil oleh pihak Kementerian untuk mengatasi masalah ini.
28. PR-1313-L58665
Puan Teo Nie Ching [Kulai] minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah agensi/jabatan kerajaan yang menyediakan taska untuk kakitangan mereka dan bilangan sektor swasta yang mempunyai kemudahan ini.
29. PR-1313-L58890
Datuk Johari bin Abdul Ghani [Titiwangsa] minta **MENTERI WILAYAH PERSEKUTUAN** menyatakan sejauh manakah keberkesanan program membasmi penularan wabak denggi yang dijalankan oleh pihak DBKL di sekitar Kuala Lumpur. Berapakah jumlah kes denggi yang direkodkan sepanjang Januari hingga Ogos 2013.
30. PR-1313-L58551
Tuan Wan Hasan bin Mohd Ramli [Dungun] minta **PERDANA MENTERI** menyatakan berapakah purata hutang seorang peneroka kelapa sawit yang menyerahkan urusan tanam semula kepada pihak Felda sehingga Felda menyerahkan kembali kepada peneroka kelapa sawit.

31. PR-1313-L58737
Tuan Haji Zainudin bin Ismail [Jelebu] minta **MENTERI KEWANGAN** menyatakan apakah bentuk program dan tindakan Kerajaan selain pemberian BR1M 2.0 untuk dapat mengekalkan taraf hidup yang dinikmati oleh rakyat berpendapatan rendah pada masa sebelum rasionalisasi subsidi minyak dilakukan kerana kehidupan mereka mungkin akan terjejas ekoran rasionalisasi subsidi tersebut.
32. PR-1313-L57890
Dato' Kamarul Baharin bin Abbas [Telok Kemang] minta **MENTERI PENGANGKUTAN** menyatakan :-
- (a) penjelasan berkaitan nilai kontrak penjualan inter-city bullet trains yang berkelajuan 140-160km per jam oleh China CSR Zhuzhou Electric Locomotive kepada Kerajaan yang akan disiapkan pada tahun 2015 seperti yang dimaklumkan oleh syarikat tersebut; dan
 - (b) berapakah nilai 38 buah lokomotif yang sama yang telah dibeli daripada syarikat yang sama pada tahun 2010.
33. PR-1313-L57377
Tuan R. Sivarasa [Subang] minta **PERDANA MENTERI** menyatakan berapa peratus (*dan jumlah barrel*) minyak mentah (*crude oil*) yang dikeluarkan di Malaysia oleh PETRONAS dan syarikat-syarikat lain ditapis (*refined*) di Malaysia dan untuk yang ditapis diluar Negara, peratusannya dan tempat-tempat penapisan.
34. PR-1313-L58800
Tuan Liang Teck Meng [Simpang Renggam] minta **MENTERI PERTANIAN DAN INDUSTRI ASAS TANI** menyatakan berapakah syarikat penternakan ikan dalam negara yang telah berjaya menternak ikan empurau dan nyatakan hasrat juga usaha Kementerian untuk menggalakkan penternakan ikan yang bernilai tinggi seperti ikan grouper, ikan kelah dan lain-lain lagi.
35. PR-1313-L58262
Dato' Sri Liow Tiong Lai [Bentong] minta **PERDANA MENTERI** menyatakan sama ada terdapat cadangan untuk memberhentikan penajaan pelajar oleh Jabatan Perkhidmatan Awam ke Mesir ekoran konflik di negara tersebut.
36. PR-1313-L57547
Dato' Fauzi bin Abdul Rahman [Indera Mahkota] minta **PERDANA MENTERI** menyatakan demi keadilan kepada rakyat Malaysia, bersediakah Suruhanjaya Pilihanraya (SPR) melaksanakan pengiraan segera ke atas kertas-kertas undi pos dan undi awal seperti yang dilaksanakan kepada kertas undi biasa yang juga akan menyangkal tuduhan-tuduhan penipuan.

37. PR-1313-L57183
Tuan Abdullah Sani bin Abdul Hamid [Kuala Langat] minta **PERDANA MENTERI** menyatakan apakah pekerja-pekerja kontrak yang berkhidmat di perkhidmatan awam yang telah bekerja lebih daripada tiga tahun akan diserapkan ke jawatan tetap.
38. PR-1313-L58211
Raja Dato' Kamarul Bahrin Shah [Kuala Terengganu] minta **PERDANA MENTERI** menyatakan mengapakah peruntukan dalam *Petroleum Development Act 1974* Bahagian (5) untuk menubuhkan *National Petroleum Advisory Council* tidak diamalkan dengan pihak-pihak yang mempunyai kepentingan dan hak dalam pengeluaran minyak dan gas.
39. PR-1313-L58809
Dr. Mohd Hatta bin Md. Ramli [Kuala Krai] minta **MENTERI KESIHATAN** menyatakan :-
- (a) senarai kajian dalam bidang perubatan yang hasilnya berjaya dipasarkan untuk manfaat rakyat Malaysia sejak 5 tahun yang lalu; dan
 - (b) jumlah wang yang telah dibelanjakan untuk kajian-kajian tersebut.
40. PR-1313-L57851
Tuan Liew Chin Tong [Kluang] minta **MENTERI KEWANGAN** menyatakan dengan terperinci tahap pembinaan dan kos pembinaan projek MRT serta alasan kelambatan tarikh projek dijangka siap.
41. PR-1313-L58496
Tuan Teo Kok Seong [Rasah] minta **MENTERI PENDIDIKAN** menyatakan secara terperinci langkah yang telah dan akan diambil oleh pihak Kerajaan terhadap bantahan masyarakat terhadap Pelan Pembangunan Pendidikan 2013-2025 agar ia dapat mencapai "*win-win situation*" demi kepentingan rakyat Malaysia.
42. PR-1313-L58645
Datuk Bung Moktar bin Radin [Kinabatangan] minta **MENTERI BELIA DAN SUKAN** menyatakan tentang rancangan Kementerian dalam mewujudkan kemudahan sukan terutamanya Mini Kompleks Sukan di daerah Kinabatangan.
43. PR-1313-L57305
Dr. Azman bin Ismail [Kuala Kedah] minta **MENTERI SUMBER ASLI DAN ALAM SEKITAR** menyatakan berapa jumlah kawasan tanah kediaman di tepi pantai yang telah hilang kerana hakisan di seluruh negara. Apakah langkah-langkah yang telah diambil untuk mengatasi masalah hakisan tanah tepi pantai.

44. PR-1313-L59077
Tuan Haji Ahmad Lai bin Bujang [Sibuti] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) adakah pihak Kerajaan mempunyai perancangan untuk memasang kemudahan tiang lampu jalan jenis solar di kawasan-kawasan rumah panjang dan kampung di Sarawak; dan
 - (b) adakah terdapat perancangan untuk memperkembangkan konsep "Bandar Sejahtera & Selamat" di kawasan Parlimen Sibuti.
45. PR-1313-L58822
Puan Hajah Zuraida binti Kamaruddin [Ampang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah jumlah rumah tangga yang telah dimanfaatkan dalam Projek Perumahan Transit dan apakah perbezaan projek tersebut dengan rumah transit golongan bujang.
46. PR-1313-L59070
Tuan Haji Nasrudin bin Hassan [Temerloh] minta **MENTERI PENDIDIKAN** menyatakan sejauh mana indoktrinisasi fahaman Syiah menular di universiti-universiti dalam negara.
47. PR-1313-L59106
Ir. Shaharuddin bin Ismail [Kangar] minta **MENTERI BELIA DAN SUKAN** menyatakan adakah Kementerian bercadang memberi peruntukan tetap kepada persatuan belia di kampung untuk memperkasakan persatuan belia.
48. PR-1313-L57632
Datuk Aaron Ago anak Dagang [Kanowit] minta **MENTERI KEMAJUAN LUAR BANDAR DAN WILAYAH** menyatakan jumlah isi rumah dan peratusan rakyat di Sarawak yang belum menikmati kemudahan asas seperti jalan raya, bekalan air dan elektrik, liputan telefon, kemudahan kesihatan dan sekolah. Apakah langkah dan bilakah masalah ini dapat diselesaikan oleh Kementerian selaras dengan slogan Satu Malaysia.
49. PR-1313-L57159
Datuk Linda Tsen Thau Lin [Batu Sapi] minta **MENTERI BELIA DAN SUKAN** menyatakan apakah langkah-langkah yang diambil oleh Kementerian untuk melahirkan atlet-atlet yang bertaraf dunia (*world-class*).
50. PR-1313-L58322
Tuan Wong Sze Phin @ Jimmy [Kota Kinabalu] minta **MENTERI PENGANGKUTAN** menyatakan apakah status keselamatan Lapangan Terbang Antarabangsa Kota Kinabalu Terminal satu dimana ada percanggahan pendapat diantara Kerajaan dan kontraktor projek Global Upline sehingga Sijil Menduduki belum dikeluarkan dan adakah Kerajaan berhutang dengan Global Upline. Jika ya, berapa jumlah hutang tersebut.

51. PR-1313-L58589
Dato' Noraini binti Ahmad [Parit Sulong] minta **MENTERI PEMBANGUNAN WANITA, KELUARGA DAN MASYARAKAT** menyatakan langkah-langkah Kerajaan bagi memupuk dan menyuburkan rasa tanggungjawab dan kasih sayang di kalangan generasi muda terhadap keluarga ke arah memantapkan institusi kekeluargaan.
52. PR-1313-L57525
Dato' Seri Abdul Hadi bin Awang [Marang] minta **MENTERI PERDAGANGAN ANTARABANGSA DAN INDUSTRI** menyatakan apakah kesan-kesan positif termasuklah dari segi peningkatan hubungan perdagangan antara Malaysia dengan negara-negara anggota Forum Ekonomi Islam Dunia (WIEF) selepas lebih lapan tahun penubuhannya.
53. PR-1313-L58506
Datuk Ir. Dr. Wee Ka Siong [Ayer Hitam] minta **PERDANA MENTERI** menyatakan sama ada Kerajaan berhasrat menggabungkan Jabatan Pengairan & Saliran (JPS) dengan JKR supaya semua agensi teknikal diletakkan di bawah Kementerian Kerja Raya seperti kebanyakan negara, demi memudahkan perancangan prasarana kerja awam.

ATURAN URUSAN MESYUARAT DAN USUL-USUL

1. **Menyambung Semula Pertimbangan Rang Undang-undang Perbekalan 2014 (D.R.21/2013) dan Usul Anggaran Perbelanjaan Pembangunan 2014 seperti berikut:-**

“Bahawa Dewan ini, mengikut subseksyen 4(3) Akta Kumpulan Wang Pembangunan 1966 [Akta 406], membuat ketetapan iaitu suatu jumlah wang sebanyak tidak lebih dari empat puluh enam bilion empat ratus sembilan puluh sembilan juta sembilan ratus sembilan puluh sembilan ribu ringgit (RM46,499,999,000) dibelanjakan daripada Kumpulan Wang Pembangunan bagi tahun 2014, dan bagi tujuan dan butiran perbelanjaan pembangunan yang dinyatakan di bawah Maksud Pembangunan atau (“P”) dalam senarai Anggaran Perbelanjaan Persekutuan 2014, yang dibentangkan sebagai Kertas Perintah 42 Tahun 2013, adalah diuntukkan di bawah Maksud-maksud yang berkenaan jumlah-jumlah yang bersempena dengan butiran-butiran itu di ruangan enam dan tujuh senarai tersebut.”

Dalam Jawatankuasa Sebuah-buah Majlis (25 November, 2013)

- | | | | |
|----|----------------|---|-------------------------------|
| 2. | (D.R. 22/2013) | Rang Undang-undang Kewangan (No. 2) 2013 | Bacaan Kali Yang Kedua |
| | | [Menteri Kewangan] | |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 5. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |
| 6. | (D.R. 18/2013) | Rang Undang-undang Pertaruhan Pool (Pindaan) 2013 | “ |
| | | [Menteri Kewangan] | |

7. (D.R. 15/2013) Rang Undang-undang Lambang dan Nama (Mencegah Penggunaan Tak Wajar) (Pindaan) 2013 “

[Menteri di Jabatan Perdana Menteri]

8. (D.R. 10/2013) Rang Undang-undang Kanun Tatacara Jenayah (Pindaan) 2013 “

[Menteri di Jabatan Perdana Menteri]

9. (D.R. 12/2013) Rang Undang-undang Keterangan (Pindaan) 2013 “

[Menteri di Jabatan Perdana Menteri]

10. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “

[Menteri Pelancongan dan Kebudayaan]

11. (D.R. 20/2013) Rang Undang-Undang Dadah Berbahaya (Pindaan) 2013 “

[Menteri Kesihatan]

12. PR-1313-U58205

Datuk Madius Tangau [Tuaran] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asal di Sabah dan Sarawak sepertimana yang terkandung dalam Native Interpretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

13. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan. Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

14. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

15. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

16. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

17. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

18. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

19. PR-1313-U59119

Dr. Tan Seng Giaw [Kepong] akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

(Menteri Kesejahteraan Bandar, Perumahan dan Kerajaan Tempatan)

20. PR-1313-U59120

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

(Menteri Pengangkutan)

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2013</u>	<u>RISALAT/DOKUMEN</u>	<u>TARIKH DIBENTANGKAN</u>
ST.72	Laporan Tahunan dan Penyata Kewangan Lembaga Koko Malaysia Bagi Tahun 2012.	26 November 2013
ST.81	Laporan Tahunan dan Penyata Kewangan Perbadanan Pengurusan Sisa Pepejal dan Pembersihan Awam Bagi Tahun 2012.	26 November 2013
ST.83	Laporan Tahunan dan Penyata Kewangan Lembaga Kemajuan Ikan Malaysia Bagi Tahun 2012.	26 November 2013
ST.87	Laporan Tahunan dan Penyata Kewangan Institut Penyelidikan Dan Kemajuan Pertanian Malaysia (MARDI) Bagi Tahun 2012.	26 November 2013
ST.89	Laporan Tahunan dan Penyata Kewangan Yayasan Pelajaran Persatuan Peladang dan Pertubuhan Peladang MADA (YPPPM) Bagi Tahun 2012.	26 November 2013
ST.90	Laporan Tahunan dan Penyata Kewangan Lembaga Kemajuan Pertanian Muda (MADA) Bagi Tahun 2012.	26 November 2013
ST.93	Laporan Tahunan dan Penyata Kewangan Majlis Amanah Rakyat (MARA) Bagi Tahun 2012.	26 November 2013
ST.121	Laporan Tahunan dan Penyata Kewangan Lembaga Perlesenan Kenderaan Perdagangan Sabah dan Sarawak Bagi Tahun 2012.	26 November 2013